

SANCTISSIMI D. N. DOMINI CLEMENTIS

Divinâ Providentiâ

PAPÆ XI.

Præceptum super omnimodâ, absolutâ,
integrâ, & inviolabili observatione
eorum, quæ aliàs à Sanctitate Suâ
in Causâ Rituum, seu Ceremo-
niarum Sinensium decreta
fuerunt :

*Cum rejectione quarumcumque rationum, seu ex-
cusationum ad ejusmodi Decretorum executio-
nem declinandam allatarum, ac præscripti-
one Formulæ Juramenti per Missiona-
rios illarum Partium præsentis,
& futuros hac in re
præstandi.*



ROMÆ, MDCCXV.

Typis Reverendæ Camerae Apostolicæ.

SANCTISSIMI D. N. ROMANI


GLORIOSISSIMI

Divinae Providentiae

P A P A E N I

Prosequitur super omnibus et solibus
integris & indivisibilibus observatione
eorum, quae sunt a sanctitate sua
in causa Romae, seu Civitatis
etiam specialiter delecta
facimus:

Quia quidem praesentibus illis non solum
sacrosanctae Romanae Ecclesiae, sed et
universae Christianitatis, ac praesertim
eiusdem Civitatis, praesentibus per nos
etiam in causa Romae, seu Civitatis
etiam specialiter delecta
facimus:



ROMANI

XVIII. 3. 166

C L E M E N S P A P A X I.

Ad futuram rei memoriam.



X illa die, qua, nullo licet meritorum nostrorum suffragio, Catholicæ Ecclesiæ gubernacula, hoc est, munus suâ amplitudine gravissimum, ac temporum iniquitate molestissimum, DEO sic disponente, suscepimus: nihil Nobis manum clavo admoventibus antiquius fuit, quam acerrimas contentiones jam pridem in Imperio Sinarum inter Apostolicos illarum partium Missionarios exortas, semperque in dies magis invalescentes, tam circa quasdam voces Sinicas ad Sanctum, & ineffabile DEI Nomen exprimendum inibi usurpatas, quam circa nonnullos earum Gentium Ritus, veluti superstitiosos à quibusdam ex Missionarijs prædictis reprobatos: ab alijs verò, utpotè eos civiles tantum afferentibus, permisos, Apostolici Judicij censurâ opportunè dirimere; ut sublatis dissidijs, Christianæ Religionis, Catholicæque Fidei propagationem turbantibus, omnes tandem id ipsum dicerent in eodem sensu, & in eadem sententiâ, unoque ore glorificaretur DEUS ab ijs, qui sanctificati sunt in Christo JESU.

Hoc consilio Responsa illa, quæ ad varias quæstiones super ejusmodi rebus excitatas, prævio diuturno examine dudum, videlicet tempore fel: rec: Innocentij Papæ XI. Prædecessoris nostri inchoato, ac deindè jussu Nostro per plures annos continuato, auditisque utriusque partis rationibus, necnon complurium Theologorum, & Qualificatorum sententijs à Congregatione Venerabilium Fratrum Nostrorum Sanctæ Romanæ Ecclesiæ Cardinalium in totâ Republicâ Christianâ Generalium Inquisitorum adversus hæreticam pravitatem autoritate Apostolicâ deputatorum data fuerunt, Nos die xx. Novembris MDCCIV. eâdem autoritate confirmavimus, & approbavimus.

Ea autem, quæ in Responsis hujusmodi decreta fuerunt, sunt quæ sequuntur -- *Cum Deus Optimus Maximus congruè apud*

A 2

Sinas

Sinas vocabulis Europæis exprimi nequeat : ad eundem verum DEVM significandum , vocabulum Tien Chu , hoc est , Cæli Dominus , quod à Sinensibus Missionarijs , & Fidelibus longo , ac probato usu receptum esse dignoscitur , admittendum esse : Nomina verò Tien Cælum , & Xang Ti , Supremus Imperator , penitus rejicienda.

Idcirco Tabellas cum inscriptione Sinicâ King Tien , Cælum colitò , in Ecclesijs Christianorum appendi , seu jam appensas in posterum inibi retineri permittendum non esse.

Ad hæc nullatenus , nullaque de causâ permittendum esse Christianifidelibus , quod præsent , ministrent , aut intersint solemnibus Sacrificijs , seu Oblationibus , quæ à Sinensibus in utroque Æquinoctio cujuscumque anni Confucio , & Progenitoribus Defunctis fieri solent , tamquam superstitione imbutis . Similiter nec esse permittendum , quod in Ædibus Confucij , quæ Sinico Nomine Miao appellantur , iidem Christianifideles exercent , ac peragant Cereemonias , Ritus , & Oblationes , quæ in honorem ejusdem Confucij fiunt , tum singulis mensibus in Novilunio , & Plenilunio à Mandarinis , seu primarijs Magistratibus , alijsque Officialibus , & Literatis : tum ab iisdem Mandarinis , seu Gubernatoribus , ac Magistratibus , antequàm dignitatem adeant , seu saltem post ejusdem possessionem adeptam : tum denique à Literatis , qui postquàm ad gradus sunt admissi , è vestigio ad Templum , seu Ædem Confucij se conferunt .

Prætereà non esse permittendum Christianis in Templis , seu Ædibus Progenitoribus dicatis oblationes minus solemnes eisdem facere , nec in illis ministrare , aut quomodolibet inservire , vel alios Ritus , & Cereemonias peragere .

Item nec esse permittendum præfatis Christianis Oblationes , Ritus , & Cereemonias hujusmodi coram Progenitorum Tabellis in privatis Domibus , sive in eorundem Progenitorum Sepulchris , sive antequàm Defuncti Sepultura tradantur , in eorum honorem fieri consuetas , unâ cum Gentilibus , vel seorsim ab illis peragere , eisque ministrare , aut interesse ; Imò prædicta omnia , utpotè quæ , perpensis hinc inde deductis , necnon diligenter , ac mature discussis omnibus , ita peragi comperta sunt , ut à superstitione separari nequeant , Christianæ Legi cultoribus ne quidem permittenda esse præmissâ publicâ , vel secretâ protestatione se non religioso , sed civili , ac politico tantum cultu ergà Defunctos illa præstare , nec ab eis quidquam petere , aut sperare .

Non tamen per hæc censendam esse damnatam præsentiam illam , seu assistentiam merè materialem , quam cum Gentilibus superstitiosa peragentibus , citrà ullam sive expressam , sive tacitam gestorum approbationem , ac quovis Ministerio penitus secluso , eisdem supersticiosi actibus quandoque præstari contingat à Christianis .

nus, cum aliter odia, & inimicitia vitari non possunt: factâ tamen prius, si commodè fieri poterit, fidei protestatione, ac cessante periculo subversionis.

Demum permittendum non esse Christifidelibus Tabellas Defunctorum Progenitorum in suis privatis Domibus retinere juxta illarum partium morem, hoc est, cum inscriptione Sinicâ, quâ Thronus, seu Sedes Spiritus, vel Animæ N. significetur; imò nec cum aliâ, quâ Sedes, seu Thronus, adedque idem, ac priori, licet magis contractâ inscriptione, designari videatur. Quo verò ad Tabellas solo Defuncti nomine inscriptas, tolerari posse illarum usum, dummodo in eis conficiendis omittantur omnia, quæ superstitionem redolent, & secluso scandalo, hoc est, dummodo qui Christiani non sunt, arbitrari non possint Tabellas hujusmodi à Christianis retineri eâ mente, quâ ipsi illas retinent, necnon adjunctâ insuper declaratione ad latus ipsarum Tabellarum apponendâ, qua & quæ sūt Christianorum de Defunctis fides, & qualis filiorum, ac Nepotum in Progenitores pietas esse debeat, enunciatur.

Per præmissâ nihilominus non vetari, quominus ergà Defunctos peragi possint alia, si quæ sint, ab ijs gentibus peragi consueta, quæ verè superstitiosa non sint, nec superstitionis speciem præferant, sed intrâ limites civilium, & politicorum Rituum contineantur. Porro quanam hæc sint, & quibus adhibitis cautelis tolerari valeant, tum pro tempore existentis Commissarij, & Visitatoris Generalis Apostolici, seu ejus vices exercentis in Imperio Sinarum, tum Episcoporum, & Vicariorum Apostolicorum illarum partium judicio relinquendum esse; qui tamen intereâ omni, quo poterunt, studio, ac diligentia curare debebunt, ut Gentium Ceremonijs penitus sublatis, illi sensim à Christianis, & pro Christianis hac in re usu recipiantur Ritus, quos Catholica Ecclesia pro Defunctis piè præscripsit.

Post hæc verò labente ferè sexennio, nempè die xxv. Septembris MDCCX. auditis iterum dictorum Cardinalium, qui rem maturè, ac diligentissimè discusserunt, suffragijs, eadem Responsa, necnon Mandatum, seu Decretum, quod illis expressè inhærendo à piæ record. Carolo Thoma, dum vixit, ejusdem Sanctæ Romanæ Ecclesiæ Cardinali de Tournon nuncupato, tunc Patriarchâ Antiocheno, Commissario, & Visitatore Apostolico Generali in præfato Imperio Sinarum die xxv. Januarij MDCCVII. editum fuit, ab omnibus, & singulis, ad quos spectabat, inconcussè, & inviolabilitèr sub-Censuris, & pœnis in Mandato, seu Decreto hujusmodi expressis observanda esse decrevimus, & declaravimus: quovis contrafaciendi quæsito colore, seu prætextu penitus sublato, ac potissimum non obstante quacumque appellatione à quibusvis personis ad Nos, & Sedem Apostolicam interpositâ,

quam propterea prorsus rejiciendam esse similiter decrevimus, ac re ipsa rejecimus, prout in Decreto hac de re edito fufius continetur.

Hæc omnia plenè, & abundè sufficere debuissent, ut ea, quæ inimicus homo superfeminaverat, zizania ex agro illo radicatus evellerentur, Fidelesque omnes Nostri, & hujus Sanctæ Sedis Mandatis eâ, qua par erat, humilitate, & obedientiâ obsequerentur: præsertim cum in calce Responsorum prædictorum à Nobis, sicut præmittitur, confirmatorum, & approbatorum causam jam finitam esse apertis, & perspicuis verbis pronunciatum fuerit.

Verùm cum, sicuti ex eisdem partibus, non sine intimo animi nostri dolore, ad Nostri pervenit Apostolatûs auditum, tam enixè à Nobis præscripta Responsorum hujusmodi executione malè à plerisque sive vano, falsoque obtentu, quod illa à Nobis suspensa fuerint, vel minùs legitimè promulgata: sive conditionum, ut perperam asseritur, in eis insitarum, & antè executionem ipsam verificandarum, factorumvè, super quibus ipsa emanarunt, non justificatorum ratione: sive ulteriorum à Nobis eâ in re edendarum declarationum colore: sive gravium, quæ tam Missionarijs, quàm Missioni ipsi ex demandatâ executione obvenire possent, periculorum formidine: sive demùm Decreti dudum, nempe die xxiii. Martij, MDCLVI. super ejusmodi Ritibus, seu Ceremonijs Sinicis à præfatâ Congregatione Cardinalium editi, ac à rec: mem: Alexandro Papâ VII. etiam Prædecessore nostro approbati prætextu: non sine gravi Pontificiæ Nostre Authoritatis injuriâ, Christifidelium scandalo, ac salutis Animarum detrimento, satis diù, multumque eludatur, aut saltem nimium retardetur.

Hinc est, quod Nos, ex commissæ Nobis divinitus Apostolicæ servitutis munere, difficultates, tergiversationes, subterfugia, & prætextus hujusmodi penitus, & omninò è medio tollere, ac rejicere: necnon Christifidelium quieti, Animarumq; salutem, quantum Nobis ex alto conceditur, prospicere cupientes: de eorundem Cardinalium consilio, ac etiam Motu proprio, & ex certâ scientiâ, ac maturâ deliberatione nostris, deq; Apostolicæ potestatis plenitudine, omnibus, & singulis Archiepiscopis, & Episcopis in suprædicto Sinarum Imperio, alijsque ei conterminis, sive adjacentibus Regnis, ac Provincijs nunc, & pro tempore quancumque existentibus sub suspensionis ab exercitio Pontificalium, & Interdicti ab ingressu Ecclesiæ: eorum verò Officialibus, ac Vicarijs in spiritualibus Generalibus, alijsque illorum Locorum Ordinarijs, ac etiam Vicarijs Apostolicis, qui Episcopi non sint, eorumve Provicarijs, necnon Missionarijs tam Sæcularibus, quàm cujusvis
Ordi-

Ordinis, Congregationis, Instituti, & Societatis, etiam JESU, Regularibus, sub Excommunicationis latæ sententiæ, à qua nemo à quoquam, præterquam à Nobis, seu Romano Pontifice pro tempore existente, nisi in mortis articulo constitutus, absolvi possit: & quoad Regulares etiam privationis vocis activæ, & passivæ pœnis per contrafacientes ipso facto absque aliâ declaratione incurrendis, tenore præsentium præcipimus, ac in virtute sanctæ obedientiæ mandamus, ut Responsa præinserta, omniaque, & singula in eis contenta exactè, integrè, absolutè, inviolabiliter, & inconcussè observent, ac ab eis, quorum cura ad illos spectat, similiter observari, quantum in ipsis est, curent, & faciant; Neque illis sive ullo ex superius expressis, sive alio quovis titulo, causâ, occasione, colore, vel prætextu contravenire quoquo modo audeant, vel præsumant.

Præterea motu, scientiâ, deliberatione, & potestatis plenitudine paribus, harum serie statuimus, & sub eisdem Excommunicationis reservatæ, ac privationis vocis activæ, & passivæ pœnis ordinamus, ut omnes, & singuli Ecclesiastici tam Sæculares, quàm prædictorum Ordinum, Congregationum, Institutorum, & Societatum, etiam JESU, Regulares, ad Sinas, aliave præfata Regna, & Provincias, sive ab hac Sanctâ Sede, sive etiam ab eorum Superioribus missi, & quandocunque in posterum mittendi, cujusvis tandem tituli, aut facultatis vigore illinc existant, vel in futurum extiterint: missi scilicet, statim ac præsentis Literæ eis innotuerint, mittendi verò, antequam ibidem aliquod Missionarij munus exercere incipiant: Juramentum de fideliter, integrè, ac inviolabiliter observando ejusmodi Præcepto, ac Mandato nostro juxta formulam in præsentium Literarum calce annotandam, in manibus Commissarij & Visitatoris Apostolici in præfato Imperio Sinarum pro tempore existentis, vel alterius ab illo deputati, sive, eo deficiente, in manibus Episcoporum, vel Vicariorum Apostolicorum dictarum partium, in quorum respectivè jurisdictione commorantur vel commorabuntur, aut aliorum ab eis deputatorum: Regulares verò in manibus insuper Superiorum suæ Religionis, vel ab illis deputatorum in eisdem partibus existentium, præstare omninò debeant, ac teneantur: ita ut ante præstationem Juramenti hujusmodi, & subscriptionem sub eadem formulâ ab unoquoque, qui Juramentum ipsum præstiterit, propriâ manu faciendam, nullum Missionarij munus continuare, aut exercere, imò nec tanquam deputati ab Episcopis, seu Ordinarijs Locorum, aut tanquam simplices suæ Religionis Presbyteri, sive alio quovis titulo, causâ, privilegio, de quibus expressa, specialis, & specialissima esset facienda mentio, Christi-fidelium confessiones audire, concionari, aut Sacramenta quo-

quomodolibet administrare ullo modo valeant, nullisque omnino, facultatibus, sivè sibi speciatim, sivè suis respectivè Ordinibus, Congregationibus, Institutis, & Societatibus, etiam JESU, hujusmodi generaliter à Sede præfatâ concessis uti possint, sed quoad eos, præter, & ultra superius expressas pœnas, omnes, & singulæ facultates prædictæ omninò cessent, nulliusque roboris sint, & esse censeantur.

Omnia autem Juramenta hujusmodi per quoscumque Missionarios tam Sæculares, quàm Regulares in memoratorum sivè Commissarij & Visitatoris Apostolici pro tempore existentis, sivè Episcoporum, aut Vicariorum Apostolicorum manibus, sicut præmittitur, præstanda, postquam subscriptione munita fuerint, vel saltem authentica illorum exempla per eosdem Commissarium, & Visitatorem Apostolicum pro tempore existètem, Episcopos & Vicarios Apostolicos ad præfatam Congregationem Cardinalium, quantocius fieri poterit, transmittantur.

Superiores verò Regulares cujusvis Ordinis, Congregationis, Instituti, & Societatis, etiam JESU, illic nunc, & pro tempore existentes sub eisdem pœnis teneantur non solum idem Juramentum in præfatorum sivè Commissarij, & Visitatoris Apostolici pro tempore existentis, sivè Episcoporum, aut Vicariorum Apostolicorum manibus, juxta modum supra præscriptum, præstare, ejusque formulæ subscribere, sed etiam illius præstationem à suis respectivè Subditis exigere, ac authentica eà super re documenta quamprimùm transmittere ad suos respectivè Superiores Generales, qui illa memoratæ Congregationi Cardinalium statim tradere debebunt.

Decernentes easdem præsentis Literas, & in eis contenta quæcumque, etiam ex eo quòd prædicti, & alij quicumque in præmissis interesse habentes, seu habere quomodolibet prætendentes, cujusvis status, gradus, ordinis, præminentiae, & dignitatis existant, seu aliàs specificâ, & individuâ mentione, & expressione digni illis non consenserint, nec ad ea vocati, citati, & auditi, causæque, propter quas præsentis emanarint, sufficienter adductæ, verificatæ, & justificatæ non fuerint, aut ex aliâ qualibet, etiam quantumvis juridicâ, & privilegiatâ causâ, colore, prætextu, & capite, etiam in corpore Juris clauso, etiam enormis, enormissimæ, & totalis læsionis, nullo unquam tempore de subreptionis, vel obreptionis, aut nullitatis vitio, seu intentionis nostræ, vel interesse habentium consensus, aliove quolibet, etiam quantumvis magno, & substantiali, ac inexcogitato, & inexcogitabili, individuamque expressionem requirente defectu notari, impugnari, infringi, invalidari, retractari, in controversiam vocari, aut ad terminos Juris reduci, seu adversùs illas aperitionis oris, restitio-

tutionis in integrum, aliudvè quodcumque juris, facti, vel gratiæ remedium intentari, vel impetrari, aut impetrato, seu etiam motu, scientiâ, & potestatis plenitudine paribus concessio, vel emanato, quæmpiam in judicio, vel extrâ illud, uti, seu se juvare ullo modo posse; sed ipsas præsentès Literas semper firmas, validas, & efficaces existere, & fore, ac quibuscumque juris, seu facti defectibus, qui adversus illas, etiam quorumvis à Sede præfatâ concessorum privilegiorum prætextu, ad effectum impediendi, seu retardandi earum executionem, quovis modo, seu ex quâvis causâ opponi, seu objici possent, minimè refragantibus, suos plenarios, & integros effectus sortiri, & obtinere: easque propterea, omnibus, & singulis quomodolibet allatis, seu afferendis impedimentis penitus, & omninò rejectis, ac nequaquam attentis, ab illis, ad quos spectat, & pro tempore quodcumque spectabit, inviolabiliter, & inconcussè observari; sicquè, & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac ejusdem Sanctæ Romanæ Ecclesiæ Cardinales, etiam de Latere Legatos, & præfatæ Sedis Nuncios, aliosve quoslibet quacumque præminentiam, & potestate fungentes, & functuros, sublatâ eis, & eorum cuilibet quavis aliter judicandi, & interpretandi facultate, & autoritate judicari, & definiri debere, ac irritum, & inane, si secus super his à quoquam quavis autoritate, scienter, vel ignoranter contigerit attentari.

Non obstantibus præmissis, & quatenus opus sit, nostrâ, & Cancellariæ Apostolicæ Regulâ de Jure quæsito non tollendo, alijsque Apostolicis, ac in Universalibus, Provincialibusque, & Synodalibus Concilijs editis generalibus, vel specialibus Constitutionibus, & Ordinationibus; nec non quorumcumque Ordinum, Congregationum, Institutorum, & Societatum, etiam JESU, ac quarumvis Ecclesiarum, & alijs quibuslibet, etiam juramento, confirmatione Apostolica, vel quavis firmitate aliâ roboratis Statutis, & consuetudinibus, ac præscriptionibus quantumcumque longissimis, & immemorabilibus; Privilegijs quoque, Indultis, & Literis Apostolicis Ordinibus, Congregationibus, Institutis, & Societatibus, etiam JESU, ac Ecclesijs prædictis, alijsvè quibuslibet personis, etiam quantumvis sublimibus, & specialissimâ mentione dignis à Sede prædictâ ex quacumque causâ, etiam per viam contractûs, & remunerationis, sub quibuscumque verborum tenoribus, & formis, ac cum quibusvis, etiam derogatoriis derogatorijs, alijsque efficacioribus, efficacissimis, & insolitis clausulis, irritantibusque, & alijs decretis, etiam Motu, scientiâ, & potestatis plenitudine similibus, seu ad quarum-

cum-

cumque personarum, etiam Imperiali, Regali, aliave qualibet mundanâ, vel Ecclesiasticâ dignitate fulgentium instantiam, aut earum contemplatione, seu aliâs quomodolibet in contrarium præmissorum concessis, editis, factis, ac pluries iteratis, ac quantiscumque vicibus approbatis, confirmatis, & innovatis. Quibus omnibus, & singulis, etiamsi pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & formâ in illis traditâ observatâ, exprimerentur, & infererentur, præsentibus pro plenè, & sufficientè expressis, & insertis habentes, illis aliâs in suo robore permanens, ad præmissorum effectum hac vice dumtaxat specialiter, & expressè derogamus, & derogatum esse volumus, cæterisque contrarijs quibuscumque.

Formula autem Juramenti, sicut præmittitur, præstandi est, quæ sequitur, videlicet -- *Ego N. Missionarius ad Sinas, vel ad Regnum N. vel ad Provinciam N. à Sede Apostolicâ, vel à Superioribus meis juxta facultates eis à Sede Apostolicâ concessas missus, vel destinatus, Præcepto, ac Mandato Apostolico super Ritibus, & Ceremonijs Sinensibus in Constitutione Sanctissimi Domini Nostri Domini CLEMENTIS Divinâ Providentiâ Papæ XI. hac de re editâ, qua præsentis Juramenti formula præscripta est, contento, ac mihi per integram ejusdem Constitutionis lecturam optime noto, plenè, ac fideliter parebo, illudque exactè, absolutè, ac inviolabiliter observabo, & absque ullâ tergiversatione adimplebo; si autem (quod DEVS avertat) quoquomodo contravenerim, toties quoties id evenerit, panis per prædictam Constitutionem impositis me subjectum agnosco, & declaro. Itâ tactis Sacrosanctis Evangelijs promitto, voveo, & juro. Sic me DEVS adjuvet, & hæc Sancta DEI Evangelia.* *Ego N. manu propria.*

Cæterum volumus, & expressè mandamus, ut eadem præsentis Literæ, seu earum exempla, etiam impressa, notificentur, & intimentur omnibus, & singulis memoratorum Ordinum, Congregationum, Institutorum, & Societatum, etiam JESU, Superioribus Generalibus, & Procuratoribus Generalibus, ad hoc, ut tam suo, quam prædictorum eis respectivè Subditorum, seu Inferiorum nomine, ipsas Literas fideliter exequi, & observare spondeant, actumque sponsonis hujusmodi in scriptis reddant: earum verò exempla prædicta pluribus vijs, quanto citius fieri poterit, transmittant ad eosdem suos Subditos, seu Inferiores in Sinis, alijsque Regnis, & Provincijs supradictis degentes, cum arctissimis præceptis easdem Literas,
& in

& in eis contenta quæcumque plenariè, & integrè, ac verè, realitèr, & cum effectu in omnibus, & per omnia similitèr exequendi, & observandi. Quia verò difficile foret Literas hujusmodi originales ubiquè ostendi, & publicari, volumus paritèr, & decernimus illarum transumptis, seù exemplis, etiam impressis, manu alicujus Notarij publici subscriptis, & Sigillo personæ in Ecclesiasticâ Dignitate constitutæ munitis, eandem prorsùs fidem tam in Judicio, quàm extrà illud, ubiquè locorum haberi, quæ haberetur ipsis præsentibus, si forent exhibitæ, vel ostensæ. Datum Romæ apud Sanctam Mariam Majorem sub Annulo Piscatoris die XIX. Martij MDCCXV. Pontificatùs Nostri Anno XV.

Fr. Oliverius.

Anno à Nativitate Domini Nostri IESV Christi millesimo septingentesimo decimo quinto, Indictione octavâ, die verò vigesimâ Martij, Pontificatùs Sanctissimi in Christo Patris, & D. N. D. Clementis Divinâ Providentiâ Papæ XI. Anno ejus XV. supradictæ Litteræ Apostolicæ affixæ, & publicatæ fuerunt ad valvas Basilicæ Sanctorum Apostolorum Petri & Pauli, Cancellariæ Apostolicæ, in Monte Citatorio, in Acie Campi Floræ, ac in alijs locis solitis, & consuetis Urbis per me Horatium Pierum Apostolicum Cursorem.

Petrus Romolatus Magister Cursorum.



Faint, illegible text at the top of the page, possibly bleed-through from the reverse side.

Pr. O. H. 1811

Handwritten text in the middle section, mostly illegible due to fading and water damage.

